

# INUIT ATAQATIGIIT

## Inatsisartuni



UKA2020/Imm. 166  
3. november 2020  
Stine Egede

**Nunat avannarliit killiit akornanni inuusuttut piffissami aalajangersimasumik killilikkami aalajangersimasumik akikitsumik akeqartillugu angalasinnaangortillugit aaqqissuussinermik "interrail'itut" ittumik pilersitsisinnaanermik – imaluunniit allatut assersuutigalugu angalanermut tapiissutinik legatinik pilersitsinikkut nunat avannarliit killiit inuusuttunut ammaannissaannut periarfissanik misissueqqullugit Nunat Avannarliit Killiit Siunnersuisoqatigiiffiata Savalimmiuni, Kalaallit Nunaanni aamma Islandimi Naalakkersuisut kaammattorpai.**

(Aallartitat siulittaasuut Vivian Motzfeldt)

Siullermik Nunat Avannarliit Killiit aallartitaasa siulittaasuata Vivian Motzfeldt-ip siunnersuummut qaqitaanut isumaqataaffigisatsinnut Inuit Ataqatigiinniit qujassaagut.

Inuusuttuunerup silarsuaani misigisassarsiorluni angalasarneq inuunerup sinnerani eqqaamasassanik kiisalu attaveqaatigisinnaasanik periarfissanik pilersitsisarpoq. Kialuunniit angalanermik misilittagaqartup nalunngilaa nunatta avataani angalaneq qanoq inuttut pissarsiffiusartigisoq; kulturinik, nerisassat tungaasigut, oqaatsit tungaasigut, inooriaatsit tungaatigut, ilikkagassaqaqarnerup tungaatigut allarpassuartigullu.

Angajoqqaajulluta inuusuttatsinnik angalanissaannik kaammattuisarnissarput isumaqarpugut pingaartuusoq. Naak massakkut nalaatatta Coronap nalaani imaanaangitsorsiorluarluta neriuarmat siunissarput sulii periarfissaqaleqqikkumaartoq.

Inuusuttup nammineersinnaanerulernini malugisarpaa, angajoqqaat qimalaarlugit angalasarangami. Naak ilaanni angalaneq sivikitsunnguugaluarpalluunniit.

Taamaattumik siunnersuutigineqartuq tapersersornartipparput, sanilitta kulturikkut nereriaasitsigullu assingoqisumik periuseqartut qanillinerulernissaannut aammalu taakku nunatsinnut tikeraarsinnaanissaannik periarfissanik ujartuisoqarnissaannik.

Taamaattumik siunnersuut soqutiginaruq taama isikkoqartillugu taperserparput.

Qujanaq